

معظم رهبرلیق مقامی اوچ یئرده دادیمیزا چاتدیلار

تشخیص مصلحت مجمعی‌نین رئیسی دئدی: معظم رهبرلیق مقامی اوچ حساس یئرده او جمله‌دن ژنو توافقی‌نده، دادیمیزا چاتدیلار و ائله ولایت فقیهینده خاصیتی بودور کی چیخیلماز وضعی‌تلری سیندیرسین و طغیان اولماسین.

آیت الله هاشمی رفسنجانی آرتیردی: الله-بن کؤمکلیگی اینن تازا تحریم‌لر اعمال اولونمادی. بیر عدّه بئله دوشونور کی بیز بو وضعیتی یاراتدیق آما ائله دئیل جماعت بیلدی کی پیس شرایطده‌یوق، یا گرک تسلیم اولاق یا دا جنگه حاضراناق، بئله بیر شرایطده میدانا گل‌دی‌لر و لازم اولان شخصی سئچ‌دی‌لر و ایندی اؤلکه‌میز اعتدالا چاتی‌ب.

هاشمی رفسنجانی ادامه وئردی: انتخاب‌تین یاخجی اولماسی بونا گؤره ایدی کی معظم انقلاب رهبری رأی‌لرین دوزگون اوخونماسینا امر بویوردولار و اعلام ائله‌دی‌لر کی رأی‌لر حق الناس‌دیر.

او آرتیردی: مذاکره‌لره باش‌لایاندا بیر عدّه اعتراض ائله‌دی‌لر و بونو تسلیم اولماق معناسینا بیل‌دی‌لر آما رهبر بویوردو بو مذاکره ائله‌ی‌نلر انقلاب اوشاقلاریدیلار و ایش‌لرینی گؤرورلر اونلارا سازشکار دئمه‌یین.

تشخیص مصلحت مجمعی‌نین رئیسی دئدی: توافق‌لرده بیرینجی امضانی آئاندا، یئنه بیر عدّه اعتراض ائله‌دی‌لر کی نیه امضالادیز. آما رهبر جواب‌لارینی وئریب دئدی گزارشده گلن، موقفیت ایدی و تشکر ائلی‌رم.

هاشمی رفسنجانی بونا تأکید ائله‌ماغینان کی معظم رهبرلیق مقامی معترض‌لرین آغزینی باغلادی، تصریح ائله‌دی: حقیقتده رهبر اوچ حساس مقطعه‌ده دادیمیزا چاتدی و ائله ولایت فقیهینده خاصیتی بودور کی چیخیلماز وضعی‌تلری سیندیرا و طغیان اولمایا.